

Bibel fa Kjinja

brinjt junt

Jesus un
Zachäus



Jeschräwen von: Edward Hughes

Jemolt von: Janie Forest

Toom Pauss jestalt von: Ruth Klassen

Äwasat von: Ed Zacharias

Hääjestalt von: Bible for Children
www.M1914.org

©2011 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.





Een Dach
jinkj Jesus
derch Jericho.
Lang trigj
haud Josua
dise Staut
vedorwen.
Nu wia dee
wada oppjebut
un haud vâl
Menschen.
Zachäus wond
en Jericho.







Zachäus haud nich vâl Frind en Jericho
wiels hee een Taks-kollakjta wia. Waut
von daut Jelt jeef hee de Rejierunk,
waut hilt hee fa sikj.



Wiels hee een Taks-kollakjta wia, wia hee sea rikj. Sien Hus es veleicht daut schmokste opp de Gauss jewast.



Hee wie nich sea groot
jewossen, wan hee uk
väl Jelt haud. Zachäus
wie nich soo groot aus
aundre jewossen.





Een Dach hieed Zachäus daut Jesus en Jericho
wia. Hee wull jieren Jesus von Nazaret seenen;
see säden hee wia Gott sien Sän! Oba doa
wieren soo VÄL Menschen, un hee wia soo kort.





Dan haud Zachäus eene Iedee! Wan hee wudd veropp ranen, un opp eenen Boom klautren, kunn hee veleicht Jesus seenen, wan hee doa vebie kjeem.





Zachäus klautad opp eenen
Mulbää Boom un sad sikj opp
eenen Aust un luad bat
Jesus komen wudd.
"Nu woa ekj am goot
seenen kjennen,"
docht hee, "un
hee woat mie nich
seenen kjennen."



"Zachäus, komm
schwind rauf." De
Taks-kollakjta kunn
daut meist nich
jleewen. Jesus
stunt krakjt
unja däm Boom
un kjikjt no
am. Jesus
roopt am!







Zachäus wundad daut daut hee met eenmol Jesus hieed to am räden. Oba hee mott jestaunt haben aus Jesus säd, "Ekj mott vondoag noch bie die em Hus komen." Hee spood sikj daut hee rauf kjeem.



Zachäus neem am met Freid opp. Aus
de aundre daut sagen, grumsaujden
see daut hee no een Sinda to Gaust
jegonen wia.






Jesus brocht
nieet Läden en
Zachäus sien
Läden. Zachäus
säd, "Har, ekj woa
de Halft von mien
Goot de oame
jäwen. Un wan
ekj irjentwäm
waut orrajcht
aufjegonen hab,
daut woa ekj
veamol soo väl
trigjtolen."



Jesus freid sikj fa
Zachäus sien nieet
Läwen. Hee jleicht
daut wan Lied
daut schlaachte
oppjäwen un
goodet doonen.
Jesus säd, "De
Menschensän es
jekomen dee to
sieekjen un
seelichtomoaken,
dee veloaren sent."



Jesus un Zachäus

Eene Jeshicht von en daut Wuat Gottes,
de Bibel

finjt eena en

Lukas 19

"Wan dien Wuat openboat woat,
jeft daut Licht." Psalm 119:130



Daut Enj



Dise Biblische Jeschicht sajcht ons von onsen wundascheenen
Gott, see ons jemoakt haft un ons well kjanenlieren.

Gott weet daut wie schlaichtet jedonen haben, waut hee Sind
nant. De Strof fa Sind es de Doot, oba Gott siene Leew fa ons es
soo groot, daut hee sienen eensjen Sän, Jesus, schekjt, daut hee
aum Kjriez stoawen sull un de Strof fa onse Sind nämen sull. Dan
stunt Jesus vom Doot opp, un fua no sien Tus em Himmell! Wan du
dän Gloowen aun Jesus hast, un am frajchst diene Sind to
vejäwen, dan deit hee daut! Hee kjemt dan un läft en die, un du
woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch
toom fa onse Sind to stoawen, un daut du nu wada läfst. Komm en
mien Läwen un vejeff mie miene Sinden, soo daut ekj nu nieet
Läwen haben kaun, un noch emol opp emma no die kom. Halp mie
daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

